

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-449-4/24**
Datum: **17.09.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „KOVGRAD“ d.o.o. Gradačac za donošenje rješenja o vodnoj dozvoli za ispuštanje otpadnih voda voda iz proizvodnog pogona-kovačnice sa pratećim sadržajima, izgrađenim u „Slobodnoj industrijskoj zoni II“, Gradačac, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „KOVGRAD“ d.o.o. Gradačac daje se vodna dozvola za ispuštanje otpadnih voda voda iz proizvodnog pogona-kovačnice sa pratećim sadržajima, izgrađenim u „Slobodnoj industrijskoj zoni II“, Gradačac, na zemljištu označenom kao k.č. broj: 277/1, 279/1, 861/1 i 861/2 upisana u K.O. Gradačac I.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da pravno lice, „KOVGRAD“ d.o.o. Gradačac obezbijedi da se sistem za prikupljanje, prečišćavanje i ispuštanje otpadnih voda sa lokacije pogona-kovačnice sa pratećim sadržajima, održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24).
 - 3.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring, a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.4. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije „KOVGRAD“ d.o.o. Gradačac može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.5. Ukoliko Vlada kantona propiše dodatne (strožije) uvjete, od uvjeta definisanih u Uredbi o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.6. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.7. Da se kod pranja koriste sredstva koja su prikladna okolinskim zahtjevima.
 - 3.8. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.9. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.11. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom.

- 3.12. Osigurati priručna sredstva za brzu intervenciju u slučaju nekontrolisanog istjecanja opasnih supstanci, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta „KOVGRAD“ d.o.o. Gradačac, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „KOVGRAD“ d.o.o. Gradačac obratilo se ovoj Agenciji sa zahtjevom broj: 184/2024 od 22.08.2024 godine, za donošenje rješenja o vodnoj dozvoli za ispuštanje otpadnih voda iz proizvodnog pogona-kovačnice sa pratećim sadržajima, izgrađenim u „Slobodnoj industrijskoj zoni II“, Gradačac, na zemljištu označenom kao k.č. broj: 277/1, 279/1, 861/1 i 861/2 upisana u K.O. Gradačac I.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

A. Opšta dokumentacija

- Rješenje o izmjenama podataka u sudskom registru broj: 032-0-Reg-23-000050 od 31.01.2023. godine izdat od strane Općinskog suda u Tuzla-ovjerena kopija,
- Ovjerena kopija Uvjerenja o poreskoj registraciji od 30.04.2014. godine, izdatog od strane Porezna uprava-Kantonalni ured Tuzla,
- Rješenje o vodnoj dozvoli broj: UP-1/21-3-40-123-5/19 od 24.05.2019 godine izdato od strane «Agencije za vodno područje rijeke Save» Sarajevo,
- Rješenje o vodnoj dozvoli broj: 04/1-13-21-24894/20 od 01.10.2020 godine izdato od strane ministarstva poljoprivrede, šumarstva i vodoprivrede Tuzlanskog kantona,
- Dokaz o uplaćenju upravnoj pristojbi 70 KM,
- Ovjereno Ovlaštenje – punomoć za Jusufović Ernu iz Brčkog od 15.08.2024 godine,
- Izjava o stanju na terenu u skladu sa glavnim projektom,
- Kopija Rješenja o odobrenju za upotrebu broj: 12-04/1-19-033856/20 od 08.12.2020 godine izdatog od strane Ministarstva prostornog uređenja i zaštite okolice, Tuzlanskog kantona,
- Kopija Rješenja o odobrenju za građenje broj: 12-04/1-23-030444/19 od 10.02.2020 godine izdatog od strane Ministarstva prostornog uređenja i zaštite okolice, Tuzlanskog kantona,

- Elaborat o ispitivanju kvaliteta i kvantiteta tehnoloških otpadnih voda „KOVGRAD“ d.o.o. Gradačac, maj 2024 godine, urađen od strane „Institut za hemijsko inženjerstvo“ d.o.o. Tuzla,
- Završni Elaborat o ispitivanju kvaliteta i kvantiteta tehnoloških otpadnih voda „KOVGRAD“ d.o.o. Gradačac za period januar 2022 do februar 2023 godine, mart 2023 godine, urađen od strane „Institut za hemijsko inženjerstvo“ d.o.o. Tuzla,
- Prateći/transportni list o zbrinjavanju zauljene vode i taloga br. 490-04/24 od 06.05.2024 godine od strane KEMEKO-BH d.o.o. Lukavac,
- Ugovor br. 573-01/24 od 01.07.2024 godine o sakupljanju, skladištenju i zbrinjavanju opasnog otpada zaključen sa ovlaštenom firmom „KEMEKO-BH“ d.o.o. Lukavac,
- Ponuda broj: 30-03-04-232/24 od 17.05.2024 godine o izradi zahtjeva za produženje okolinske dozvole od strane „Rudarskog instituta“ d.d. Tuzla.

B. Tehnička dokumentacija

- Glavni projekat – izvedeno stanje hidroinstalacija za proizvodni pogon – kovačnica, industrijska zona – općina Gradačac, investitora „KOVGRAD“ d.o.o. Gradačac, urađen od strane „IBIS“ d.o.o. Gradačac, juli 2019 godine-uvid prilikom uviđaja.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-449-2/24 od 09.09.2024. godine.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je sljedeće:

Lokacija predmetnog pogona-kovačnice se nalazi u „Slobodnoj industrijskoj zoni II“, Gradačac, na zemljištu označenom kao k.č. broj: 277/1, 279/1, 861/1 i 861/2 upisana u K.O. Gradačac I. Na predmetnoj lokaciji se nalazi i drugi objekti (skladišta gotovih proizvoda, magacini repromaterijala i drugi pomoćni objekti).

Instalirani kapacitet proizvodnje je 18.000 t/god a ostvareni u 2023 godini je 14.000 t/god gotovog proizvoda (otkivaka).

Na lokaciji predmetnog kompleksa nalaze se sljedeće cjeline: pogon sječenja, pogon pjeskarenja, pogon termičke obrade, kovački pogon, pogon mašinske obrade i prateći sadržaji (laboratorija, kontrolna soba, skladišta, kompresorska stanica, bazen za otpad, separatori ulja i masti).

Nakon nadogradnje postojećih objekata došlo je do izmjena na sistemu prikupljanja, tretmana i ispuštanja tehnoloških otpadnih voda u odnosu na projektnu dokumentaciju na koju je data vodna saglasnost od strane ove Agencije. Za predmetne objekte su pribavljene dozvole od nadležnih organa.

Iz navedenog razloga je po završetku izvođenja radova na predmetnoj lokaciji urađen Glavni projekat – izvedeno stanje hidroinstalacija za proizvodni pogon – kovačnica, industrijska zona – općina Gradačac, investitora „KOVGRAD“ d.o.o. Gradačac, urađen od strane „IBIS“ d.o.o. Gradačac, juli 2019 godine.

Tehnološka otpadna voda nastaje u procesu obrade metala u postupku hlađenja proizvedenih komada, od posipanja ulja prilikom održavanja mašina i pranja objekata i ista se prikuplja unutar objekta i odvodi u trokomorni separator masti i ulja a potom kanalizacijom odvodi na uređaj za tretman otpadnih voda-separator masti i ulja sa taložnikom koji je ugrađen van objekta. Na separator masti i ulja sa taložnikom se dovodi i voda sa platoa i manipulativnih površina. Prečišćena voda iza separatora se preko okna za monitoring ispušta u rijeku Gradišnica. Monitoring se vrši na ispustu E1 iza uređaja za tretman otpadnih voda.

Skladištenje ulja koja se koriste za podmazivanje mašina se vrši u prostoru namijenjenom za tu namjenu.

Snabdijevanje vodom za potrebe predmetnih objekata je obezbijedeno sa gradskog vodovodnog sistema.

Otpadni materijal se razvrstava po kategorijama i zbrinjavati na adekvatan način propisan zakonskom regulativom.

U ostalim objektima na predmetnoj lokaciji se vrše aktivnosti od kojih ne nastaju otpadne vode.

Podnosilac zahtjeva je pribavio vodnu dozvolu za korištenje vode i ispuštanje sanitarno-fekalnih voda u rijeku Gradišnica.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 15., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „KOVGRAD” d.o.o. Gradačac ispunio minimum uslova za izdavanje vodne dozvole za ispuštanje otpadnih voda iz proizvodnog pogona-kovačnice sa pratećim sadržajima, izgrađenim u „Slobodnoj industrijskoj zoni II”, Gradačac, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH”, br. 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata



Dostaviti:

- „KOVGRAD” d.o.o. Gradačac, Sarajevska 90, Gradačac
- ⊙ „AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava